

小重山房詩詞全集

桂勝集序

桂林象郡地拓嬴秦漢下戈船唐分邕管輿圖
旣列風教斯通然而山川雲物之瑰奇花竹禽
魚之珍麗求之紀載畧而不詳泊夫水帶山簪
昌黎有詠桂山名勝因此而彰由是予厚羅池
去華石碣趙清獻構亭之地蘇文忠繫纜之鄉
遷客騷人登臨吟嘯至范石湖桂海巖洞志成
一壑一邱標題殆徧然後灘江灌水比曲瀟湘
獨秀闌蠻爭奇台蕩地以人傳斯其效已詩

齡方伯開藩粵西棠蔭旣成筭輿間出展齒所
涉形諸詠歌溪澗寫其阻深峯巒繪其明秀里
諺之語皆成雅音贈答之章不遺風俗謝康樂
游覽之篇劉連州竹枝之唱兼斯二美蔚爲一
編夫名賢莅止輝映一方嘉什流傳芬留千載
峴山碑側叔子之所感懷高陽池邊山公之所
沈醉西子湖以香山而著滕王閣以子安而稱
大凡流峙之奇因時顯晦耳目之近豈無勝區
未值其人雖盛弗傳耳 方伯風雅成性著作

等身大集觥觥首先斯刻殆亦鄴中懷古動睎
高望遠之情嶺南論詩寓發潛闡幽之意詞章
之外寄託遙深豈與夫鏤繪風雲流連光景矜
奇競豔夸美詞壇已哉

道光丙午夏六月旣望壽陽郝鶴藻撰

桂勝集

華亭 張祥河 詩舲

疊綵山風洞

亭亭疊綵山堆垛出奇構縱如佛臂舒橫似鬼
面皺朶雲瞰飛閣濃翠鑿虛竇風迴地脈通石
破天耳漏繭窩闢混沌螺壳儼幬覆藤蘿招暗
涼聲咳答空奏壺小可駢筵甕香來卜晝清冷
厯阿曲蕭爽襲衣袖澄江馳數帆排闥動遠岫
常侍留賞佳於越棲真壽歸途白雨紛回首峯

獨秀

檄蟲

炎方氣鬱蒸蟲聚實爲虐噬膚困坐卧元豹遍
簾幕直刺羅疊重不畏艾熏灼石湖嘲蟲詩定
在桂林作我被么麼窘恨欲長劍斫巧雖製紗
幌轉爲汝籠絡江南有蟲陣至晚始作惡白日
復營營青蠅之不若草檄一炬焚輿窆眞大索
百蟲將軍來汝輩又何託

香渡樓望象鼻山

登樓做遠眸
馴象水濱立
懸厓一洞圓
鼻孔江流溼
上有小石幢
寶瓶儼維繫
漁人在洞口
兩三象奴集
叢莽對岸青
飼之瑤草拾
凹如濯鏡來
險欲吸舟入
雲軒祀范帥
祠荒無處揖
串月石湖中
當日思鄉及

杉湖水榭

非閣亦非樓
陽橋晚景收
遙山看象背
清飲剝雞頭
佇月教澄性
臨淵足養眸
三更漁火集
點綴隔林秋

中秋

十字街頭月滿廊鮮花獠婢亦梳妝筠竿高過

紅樓角火樹家家柚子香

俗以竹竿承柚子插香其上

宜男心願豈終賒一曲杉湖是妾家小展弓弓
更盡後陽橋南去摘南瓜

月牙山

出城渡花橋尋勝龍巖北劍山有石龕初月如
可卽梯徑圍曲闌循階接苔城澗松陰欲沈籬
槿澹無色玉女工洗頭掠梳爲妝飾飛霞插髻

紅過雨點鴉黑佛刹盛香火惜哉地偏仄小亭
聊披襟峭壁絕攀陟

廣福王廟

祀後漢武當王從諸葛武侯南征牂牁
爲蠻追逐踰嶺乘暴漲溺智慧山下自宋
迄明加封爵禱雨輒應

亭山來下馬四壁動英風義膽消蠻觸騷詞弔

鬼雄靈旗三邑仰

臨桂靈川永福皆立廟以祀

樹雨一誠通

磨箭思從者平羌廟薦同

打箭鑪有郭達廟相傳武侯偏將造箭此

山

贈余小霞卽題借書圖後

我方攬桂勝君爲述舊聞新編續驂鸞商榷只
有君君筆得清氣君詩如春雲卑官不足戀翰
墨可策勳朝披借書圖涉獵何其勤一瓶將進
酒百讀靜夜分窮愁豁塵海歸夢懸鄉枌就我
鳳竹樓四山移林曛同撫青鐵硯看書白練裙
文人多積習嗜好亦不羣

過五詠堂時秋闈將次揭曉

斜照剛迴鎖院車長廊面水繞林於雄藩勝覽
曾開囿太守風流尙讀書二別三壺仙境外孤
標千丈刼灰餘明朝應與羣公會峯下荒榛爲
翦除

老君洞

城西三里路庚庚蝙蝠飛斜夕照迎李渤開榛
峯屈曲貫休畫佛墨縱橫青牛穩跨雙磯坐白
雀爭傳六洞名當日西湖移櫂去至今賸有勺
泉清

陳海霞夢遊天台圖仿尤西堂意列蒙莊
曼倩淵明太白東坡圖中

將進酒小遊仙蘧蘧一夢皆詩天廬山天姥已
陳迹別開夢境霞標前西堂老人夢滄海君賦
天台更精采五老圖中畫象新三生石上神交
在詠諧對客豁閒愁齊物逍遙物外遊邀月江
湖招菊隱掀髯笠屐見風流床頭縹緲思千縷
諸妄難期歸淨土霧蓋狂塵旦未嘯花迷大地
春誰主又如一悟澈前生錦纜牙樯昨送迎燕

市黃梁眞太促鄭人駭鹿亦無情先生養氣丹
芽斂高卧蓮帷晝常掩飛鞚那驚瀑布衝石梁
不識莓苔險古稀七十駐童顏欲向流杯問大
還猶賸豪情騰萬丈更無瑤想託雙鬟歲星桂
管來萍寄呼酒東軒百篇醉涉嶺曾攜大蝶歸
放生頗寓岐亭意鄉心吳越各天涯中夜談山
望眼賒玉葉天漿慙慧業何如溪畔飯桃華

陳桂舫孝廉爲余作望雲山莊圖並和拙
詩卽疊原韻爲報

天匠何年磨月斧桂海諸峯眞怪古百粵應鍾

磊落才南州誰作溪山主元龍握手鳳樓前翠

竹森森秀姿宇麓臺畫法妙規仿梁苑詞宗與

遊處雅圭先生平生執笏奉髯蘇側儻登壇笑儒腐

俞云叔重士少雙豈止樊川名第五白練書成

始定交黃華插滿來排戶自嗤丑舫饒古香最

喜秋牕話今雨煙雲入化眼開纈丹粉何神眉

鬬嫵就中家山橫一角爲展溪藤色飛舞入望

菱湖並芋田其間松徑兼筠廡常年客宦釣徒

思瀕海鄉關島夷拒圓柳相看皆畫天灘江信
美非吾土屋梁虛白夜光沈琴薦梅花隻彈撫
是卷畫者三家祁虛白馮少廉先後物化惟顏朗如同至桂林少廉居梅花樓照人惟
有玉山朗碧筍瑤簪共延佇慙余抱杖張茂先
感子貽詩何敬祖三友分明健筆扛片雲更賴
遙山補琅琅疊韻戛金石點點攢苔藉蘭杜玉
局仙臺可手攀富春癡老還心許比廬尺咫申
後盟濡染淋漓快先睹計偕會見送公車積素
終當植元圃銅柱從來秀一枝大羅請接霓裳

譜

榕樹樓

因樹爲樓樹作門水田稜稜別成村却思山谷

南遷日何處維舟釣石溫

劉後村榕溪閣詩兩榕猶及見落翁

伏波山翠半城環銅鼓聲中振旅還一水綠圍

交趾墓古南門是漢時關

稚圭中丞出觀仇十洲仿閭立本五星二

十八宿真形圖

君不見明皇侍奉吳道子地獄變相傳東京其

先總章閭右相上寫天象何神明丹青並譽唐
一代後者人物推仇英規摹丹粉出奇詭天帝
含笑妖魔驚晨昏伏見躔散合羅胸列曜心縱
橫怪雲異氣十居七騎禽控獸交鬚鬣亦有神
光照河漢懽喜併向毛髮生非仙非佛更非鬼
八面肅穆瑩雙睛公麟揭鉢意相埒弗與龍首
力與爭淮陰藏本好手借墨林題字中心傾金
梁詞宗工鑑別實父再遇周舜卿帶風衣水官
燭下貫珠連貝騰光晶桂山秋高覺神旺時和

方慶三階平

偶成效漁洋體

月牙臺前楓葉殷
鬪雞巖下竹枝斑
隔江暮雨人歸急
數到花橋第幾灣

官閣新停濁酒杯
梅花嶺上苦相催
西風木落榕門近
野雉朝朝入饌來

晚樹風微宿鳥安
幾人岸幘倚闌干
一庭秋菊

垂垂老賸有山茶
酌酒看

憚壽平詩酌
酒看山茶

新葺望雲山莊八景

金護堂

高年喜行飯春暖衫履輕青紅紛幾隊膝下連
臂行開爾北牖窗黃華何英英

引勝廊

文章具成局添綴思不窮
廨東至廨西曲折煙
雲通借山三面看橫翠皆玲瓏

聽潮小舫

圓泖淤成菹誰將菰葑薤湖生復潮落響牖水
聲細遠遊必有方此心乃長繫

香渡橋

我官桂林郡新勝香渡樓移以題我橋馴象臨
芳洲聞根鼻功德還在詩中求

喜亭

一雨萬家喜送爽先荷塘誰披尺幅縑潏墨爲
天光北苑不可作夏山徒蒼蒼

南榮

接檐向南榮如額廣而凸涼可敞簾櫳暖不煨
榾柮雙丸納牖多此是光明窟

慈竹長春

萬个翠繞屋長春
菊盈畦老親坐白雲
旁侍惟山妻笑攜曾孫來
身與稚竹齊

方壺晴雪

種梅三百樹樹枝叉了
海天有奇夜雲耶水
月耶但覺幽香來世界
闔提華

粵西懷古

南狩龍旗望內家
九疑山翠渺天涯
韶音聽斷湘君竹
瘴雨開殘蜀帝花
急峽宵聲過戰艦
嚴

關春色隱邊笳田州老佛歸西邸疑案千秋馬
隴斜

戔戔銅柱撼榕門莽莽邕州夜霧屯身後一車
讒薏苡軍前千騎截崑崙青沙寂歷芙蓉卡翠
巘周遭橘柚村回首弩灘與藤峽功成韓蔡且
休論

鑿渠轉餉始皇年鏐觜湘灘在眼前秦將平夷
開象郡越王據險自龍川跼鳶影墮三江雪鳴
蛤聲消八寨烟試向烏蠻灘外望夜即交陞四

垂天

象齒關南接斗杓
滿林丹荔雜黃蕉
仲翔諫馬吳王悟
登善歸骸武后驕
古墓丁郎蝴蝶嶺
新詞秦七海棠橋
請看日月名爭曜
黨籍人思元祐朝

枕榔葉暗雨霏霏
嶺路摩雲入翠微
金谷難收珠淚墮
楊灣不隔荔塵飛
摘瓜歲歲雞同卜
跳月家家燕未歸
桑女徒傷能化石
柔鬟長映綠蘿磯

登雉巖高送遠行趁墟風物馬頭迎山獠各賽
偏諸錦水蠶分嘗不乃羹狐火吹來衣閃閃槃
瓠降處鼓聲聲當官說瘴聞梅摯宋梅摯五瘴說漫咎
金蠶惑眾生

柳州種柳柳江荒桂管猶傳五詠堂建武春秋

崇博士遊仙大小潞曹唐名高幕府人間世曹唐

詩有井底學在蒼梧海內望左氏之學遠在蒼梧見三輔決錄蓋

陳欽及子元習左更有丹青推第一楚藩遺老

氏春秋世傳其業住清湘

紀聞炎徼且停杯不識芝苓盡藥材南雁北書
心並戀東蘭西蕙手親栽山中細雨今無客
木客有關外秋風舊有臺翡翠明珠都擯卻年
年貢使日邊來

夢中得句

種蔬十畝此間樂畫竹半牆何處秋細雨橫塘
塘下路曼歌聲裏櫓枝柔

對雨

靈洞何年問葛砂茶花四面裏紅霞樓欄葉堵

穿山徑吉了聲中雨腳斜

獵獵風林葉自刪湖西立馬聽潺潺佩壺榕樹
樓頭去白渚煙生失四山

誰家橫笛吹煙竹八破龜茲和漸稀版栗園中
今夜雨好添梅萼幾分肥

羅瓊林女史畫

吳中妙繪塞翁留江右宗風溯飯牛閨閣才名
能述祖芙蓉池館易驚秋泠泠泉韻來琴薦宛
宛杉香近畫樓好絹新礬調粉處壺山花事在

春頭

寄錢心壺丈時序余續驂鸞錄

臯比座上撚吟髭
寒意繁臺落木知
華髮各天聽夜雨
好山滿地拾殘詩
官梅封篆花齊後
野鹿迎年酒熟時
不盡挈音鄉思遠
荒波折輦石湖湄

樂全拄杖養天和
淡泊生涯硯不波
世濟科名

書味美

令孫新捷京兆

時難推解素交多
頻年鴻雁哀

中澤一夕魚龍入
舊河可記元封老
從事關心

瓠子負薪歌

曉霽

窗紙覺微黃連陰得霽光
鳥喧來畫棟人健下書堂
梅綻丹砂粒松滋白玉肪
盆池春意動魚樂正洋洋

南薰亭

虞韶隱隱澗泉聲出郭看山眼界清
一雨菜花黃過了灘江春早綠波明

南薰亭上雨霏微披翠簾興竹樹圍
恰喜新年

民氣靜山公日暮折花歸

棲霞洞

懸厓捫北斗列炬散林鴉
大帥煙霞癖飛仙日月華
碧虛成息壤玉洞問胡麻
繞道壺山去紅桃一徑斜

還珠洞

還珠有靈洞佳識到科名窈窕灘
江上彎環夜月生斷碑封鳥跡
長筏逼灘聲癸水亭何在空餘望古情

洞口有石下生如柱向離石二尺許
纖云巖石連出狀元明包裕有詩云

桂勝集

十三

巖中石台狀元
徵今刻洞中

水月洞

月窟將船入陰厓
割石奇遽廬雲羃羃鐘乳雨
垂垂象鼻真能吸龍脣
宛欲吹訾洲堪問渡荆

草柳侯思

訾家洲
在對渡

壺山

棲霞寺裏進香還
人指花橋彎復彎
二月穠桃紅似火
袂衣齊上酒壺山

宿雨前村又後村
輞川詩境小蓬門
此間開墾

多沙磧不作秧田作果園

春寒

料峭春寒酒未降
泥人紅豆綴殘釭
五更山罅狂風過
聽墮西廊柚一雙

潘德輿泮塘別墅

荔支灣畔艤輕航
四面荷花拓草堂
青鏡能生風葉翠
絳紗不隔露團香
高岡越秀雲烟接
故苑昌華枳棘荒
最憶長洲舊圖畫
吮毫重擬寫

東莊

石田東莊圖歸君
處擬借臨一過

龍隱洞

如鼎峙然三洞幽平蠻三將姓名留老龍隱處
眞成窟春水生時欲吸舟怪石熒熒珠領摘荒
榛莽莽穀文流黨碑非復崇甯本肥瘦評量到
柳州黨籍碑宋鈐轄梁律刻於慶元戊午吉州
饒祖堯跋之柳州融縣亦有是碑則沈暉
刻於嘉定辛未相距十四年二君喜其祖與涑
水眉山照耀千古以家藏本重棻之非崇甯中
原本也

重遊棲霞洞得窮其勝

碧虛亭前摘星斗不遇飛仙坐良久沙彌持炬

導遊洞洞中神奇無勿有蜿蜒曲折天鑿成頓
足拄杖鏗有聲九疑可通不足信但見兩壁石
液凝光晶下窮百級路隨轉忽而穹上偃僂行
目眙心駭紛萬狀石櫺石榻石柱楹蹲如駒駝
如虎豹伏如蜚蠊如鯢鯨荔支倒挂實纍纍芝
草叢茁波盈盈雙龍戲海珠蕩漾一幔漫天平
似掌團蒲老衲披袈裟攀竹老漁撒罟網何人
跨澗爲石橋炎夏凜冽風蕭蕭石門砭然透日
影曾公題字元豐朝澗泉出山復入山此泉不

許流人間湫流入江不知往仙田數畝青鸞環
青鸞環動清籟眼底瑤簪與羅帶吾不如唐之
仙緣鄭冠卿又不如宋之仙根李彌大宋經略
更名仙日華月華儻過從別有壺天洞之外洞
李洞
山
卽壺

劉仙巖

香渡擎舟下急灘劉仙巖上問瑤壇南谿靈洞
區區地古井無波石鼎殘

鬪雞山色望中遙藥草漫山雜卉饒忽見小桃

峯頂插也增鬢鬢十分嬌

仲遠譚元本老莊草袍蒲拂一亭荒兩山開處
江天朗人坐仙壺看夕陽

白龍洞

如絮雲開見斷霞雲中挂尾石谿舂將軍塘上
屯兵處曾聽龍吟雜暮笳

韶音洞

皇澤灣頭路危亭一角荒半篙瓜蔓綠十里菜
花黃風竹如球戛山禽學鳳翔敬夫吟嘯後題

碣也平章

南薰亭宋張栻建後燬元平章也兒吉尼重建今又傾圯矣

木龍洞

一碧灘江水沿城棧路盤筍輿衝暮雨龜石露
前灘宛具龍工意真同木寓看駢連千筏外何
處著漁竿

抱山面水樓爲李春回題

一樓山四合迎面小滄浪曲蔓藤緣檻新筠筍
貼牆春來花氣靜坐上草痕香爲語烟波濶誰
添畫裏航

雉山

鑿空晴雲裏奇峯兩翼張
蛟涎凝乳碧蝸嗉蝕
苔蒼鍊拄眞棲在謂宋僧樓公青羅亭名舊趾荒隔江
來艤檝春晝洞天長

坐雨

一雨輕裘換袂單
炎方二月不知寒
朝來滿耳潺潺響
道是橫橋水過灘

橫雲山下是吾家
三月春光到處嘉
知否鄉心西嶠外
齋前徧種杜鵑花

得吳仲雲廉訪黔中書卻寄

西望牂牁郡題緘尙歲終談詩千里外惜別十
年中灤水同舟憶黔靈有夢通飛雲新句子何
弗附郵筇

柬吳菊湖同年

摩挲苔繡伏波銅龍勝前塵弔五忠刺竹葉抽
荒洞碧風蘭花過別岡紅開山誰識金銀氣殢
盜先搜虎豹叢同向巖關憑眺處杜鵑啼老句

偏工

君和懷古詩有杜鵑啼老漢山川句

東同人三月三日小集紫金山館

白白紅紅次第栽明朝禊事訂銜杯小庭饒有
園林意謝豹花齊鳳子來

插竹扶花抱甕澆青油幕下夕陽驕吟蜂徧坐

無閒蕊

用薛大拙句

百結香中雪欲消

十八巖頭潑墨斜

近畫十八巖洞

更誰調粉寫朝霞款

關一二清譚客正啟黃封小種茶

過五詠堂有懷梁芷林中丞

穿林披衆綠返景入初晴興足泥行輒峯鬢雨

洗清無人漿澗曲何日石梁成
山下石梁未竟
工公已移節江
矣左遙憶仙霞客流連獨有情
臨去尙三宿此堂

雨

雨響先蕉葉風香出楝花
昏鴉千點集倦蝶一行斜
漉酒輒思客看雲時憶家
洞庭波浩渺山市過枇杷

伏波巖

瀕江千丈聳奇觀試劍當年大石磐
有客浮橋攜酒過青衫紅笠一憑闌

憑弔千秋兩伏波文淵博德總傳訛伏波應請

看閣下回旋水舉網晞顏玉樹多慶元中朱晞顏獲玉樹巖

下刻石
爲識

中隱洞

三洞循梯上最高佛子巖何須遊秉燭白日挂

松杉

綠水山樊句相傳呂愿中題名休獨據終讓紫

薇公先名呂公巖嗣以張孝祥名張公洞

華景洞

十椽石屋淨無苔藥草生香路折迴鐵佛寺中
消暑去妙蓮華在洞門開

九子婆婆廟祀虔古榴花對女郎妍無人更問

唐都督寶積祠荒廢石田

寶積山與華景洞對峙舊有唐都督王峻

祠今廢

屏風巖

仙居儼圉一屏佛地可坐百客壺天觀裏逍遙

三昧現前金碧

石湖作壺天觀銘曰心塵日華三昧現前

青冥疑敞雲母軒豁迺無棟梁隆兌州中爰舍

彈丸溪外漁莊

板栗園望白鶴洞

影事前塵感寂寥
李桃梅杏尙含嬌
更無居士飛雲履
白鶴當空不用招

不是移尊便煮茶
頻來乞竹又看花
故人題字

荒亭下半架朱藤
挂晚霞

宗滌樓有記
陷石壁間

訾家洲

裴公施慶宴遊歡
大筆元和柳與韓
蘆葦秋來吹似雪
荒亭一角作牛欄

花下

春去看花亦有情象牙

紅鶴頂蘭

置前楹午風

吹佩紉魚子斜照烘棉入馬纓白芡叢叢翻鋪
潤紅蕉纍纍逗籬明客來一醉松鍼釀準聽櫻
欄夜雨聲

粵西論詩九首

圖成主客姓名傳體效風人棄婦篇卻笑登科
還是夢故衣未換淚經年

右曹鄴鄴之

道人返服自稱尊
蘸甲紅螺對酒論
漫羨遊仙
風馬疾曾追匹練
過吳門

右曹唐堯賓

五言眞足張吾軍
舊隱山前竹木紛
想見滄洲
歸未得伴行瘦鶴
入深雲

右王元文元

常來韶賀拂征衣
井甃山椒景物非
又是春殘
人向夕落紅獨立
燕雙飛

右翁宏大舉

把釣江湖想野航都官高第可升堂
雷州何幸蘇髯遇正好呈詩令石康

右歐陽關晦夫

賸墨湘皋只數篇西涯詩派有眞傳
臨關一覺朝天夢子夜龍舟報北旋

右蔣冕敬之

殘縑斷素歎萍浮

浮萍集亦先生所著其桂勝桂故等九種具見于頃堂書

目千頃堂中著述收折得巖花簪不定
醉餘桂

釀儘風流

先生有杯浮桂續花之句

右張鳴鳳羽王

指顧江山百感生
吟邊鼙鼓夢猶驚
平生一哭熊經略
太息弓藏狗又烹

卽用公句

右袁崇煥元素

秋衣憔悴比芙蓉
感舊漁洋亂後逢
醉白堂前花似雪
夜深孤枕隔山鐘

右謝良琦石臞

示署中諸友

鬪茶一水二水插花十枝五枝
端居更思三益

長日何止六時

寄慶姬

記否丁沽打槳迎雲藍小袖漸盈盈江亭半臂
寒猶忍可似多情宋子京

玉雪嬌兒賦杏殤謂嵩兒妝晨繡晚暗迴腸嶠西
寄汝無他語新熱還珠洞口香

吾齋

吾齋秀峯下舊貫綴藤蘿徼外爲清閼塵中儼
澗阿花炎香澤滅樹老寄生多吏退接離倒惟

聞銅鼓歌

廣福王廟禱雨

風滿靈旗一角斜
升香再拜澤無涯
煙霏但識亭亭鷺
水足纔聞閣閣蛙
入陡連檣鄰邑米
趁墟幾擔本山茶
高岡不少梯田在
還祝滂沱撒響車

雜興

伽羅空手笑干那
誰會申繒一擺波
尹二竹枝李三畫
江干吹笛酒人多

慧業神仙從悟入豈容膠柱末端趨世人爭喫
桃花飯何異論書就擔夫

堪歎侏儒百慮紛弓形月與獸形雲浣花一角
茅堂好肯念昭州敬使君

探砂袖石向炎方百粵贗思宛委藏謝肇淛云見贗不知
爲布是百粵贗也藏之宛委以俟後之觀風或有采焉下筆有心同述古
漫將餽飮薄田禾叔張羽王

巢居山丈呼斑子劉薦當年拜下塵識得山姑
愛脂粉何嘗縱虎出驚人

肥膏自裹客垂涎似鮓嘉魚沒骨鮮聽說江船
將米換戎城穴口火山前
湘瑟誰知帝子靈絃生指澀未堪聽珠喉滑過
嫦娥字那問樊家舊典刑

臨龔子開書

對之斂衽張句曲

伯雨最重公書跋云對之斂衽

上接蘇黃源

獻義成邸揮毫能側媚誰知此是太初師

書會稽陳浦雲

棟

北涇草堂集後集中有

論曲十二則又維揚夢最爲絕唱

雪北香南阿耨池更無纖垢到須眉書生合著
蓮花服瘦損秋風筆一枝

玉樹金釵幾闕新闌干按拍聽其眞旗亭一唱
維揚夢羞煞南樓避席人

乙巳六月四日爲石湖先生生辰同人集
風洞賦詩爲壽先生集中載丙午新年六
十一歲則乙巳正是周甲又吳船錄始生
之辰泊青城山禳祭五嶽丈人有神鑑出
見之異蓋離成都南歸石湖時事也

應有神鑑照此筵
寒蘋同薦石湖仙
驂鸞乾道壬辰歲
周甲淳熙乙巳年
雪外氈衣金節鉞
花前蠻舞漢山川
樂天春首東坡臘
一樣心香瓣祝虔

西來懷古先顏柳
南渡稱詩並陸楊
自昔名流

憐遠謫

秦七黃九

獨公偉望徧炎方
瑤簪玉筍都成

戀老酒新橙未就
忘萬柄荷花開壽
宇福眞洞

口水風涼

距荷花生日兩旬

食平南荔支

平南綠葉味應殊
弱棗張梨遜此腴
供奉雲興菩薩笑
落盤都是髻中珠

十八閩娘慳識面

使閩時未及啖荔

餘甘子

伯仲亦清

才肚皮寬取三條箋
略效東坡一飽來

獨秀峯本名紫金山
余題紫袍金帶四字
於峯半字徑七尺高
三丈陳丈海霞以詩
見賞賦此爲答

名山氣象木天人
題字仍前敢闢新
一品教披仙丈服
十圍穩稱大夫身
緋花粲粲承甘露
紅

藥翻翻賞好春卓筆凌虛勞獎借塗鴉多媿玉
嶙峋

金山黃承恩重校

周穉圭中丞手定二十名家詞跋

式觀樂律五音相生是出雅正務刪靡曼尊前
花間集句長短崇甯晟府始審古音樂府遺意
吮舌鶯燕鄭衛若鄰纏令何異要之清空不取
質實玉田有云斯足尙矣世多通才動輕前哲
倦事修擇但知馳騁不有鍊錘羌無頓住絲豪
竹濫操觚等率其曰可讀寔與古違金梁外史
海內詞宗烏帽紅萸玉簪羅帶移舟畫裏就夢
詩邊含情在中裊筆無際故侯門巷耆舊山阿

凭高天涯所見芳草驚黃嫩綠舊識江南舞扇
輕橈相招浙水殘蟬韻晚時歌金縷芙蓉路窄
悽調怨紅瑤篴既發旗亭爭唱曩所討議憫時
迷執研覃數年澄汰一律弁方山尉殿以蛻屨
都爲廿家計調四百辨鬲指聲心折紅友集陽
春雪派衍鈞翁井華自春草窗絕妙如松之濶
摘其夕煙似蘭之馨挹彼朝露曰唐五代令曲
擅場宋專慢序迄少抗墜時代使然洵乎篤論
間嘗涉歷亦溯詞源竊謂此事言在言外屏立

龍行雨飄烟接辭欲安留情貴渺縣吮豪躡塵
縱無一是惟與公論互有印契漢關榕高衡南
雁盡蕪絲天遠虹影秋垂故山歲晚擁門黃葉
舉頭白雲能無陟望簿領筍束休沐壺潔小梅
倚閣初月露峯盤花旋竹散懷吟眺循誦斯編
神觀飛越不啻五要頓愜平生公今美成余慙
叔夏命綴簡末悅服云爾

玉瀾堂十五老臣畫象書後

今上御極之初宴十五老臣於玉瀾堂年在七十以上無論中外及致仕在京者皆與焉內廷如意館供奉奉敕圖形爾時慶邸令畫工沈振麟摹得副本人系一籤具官爵越二十餘年流轉至厰肆僅十四幅闕其一爲兵部尙書王公麟蓋公之子先見之奉以歸祥河於癸卯仲夏述職至都購藏行篋明年攜至粵西穉翁中丞借觀逾月命工臨摹成冊褒鄂淩烟

毛髮宛肖於香山睢陽之外別開生面洵熙
朝之盛事又畫苑之美談也

煙波畫船記

榕樹樓之南潭水一區清泓可鑒俗呼榕湖與杉湖相接土人蓄魚其中各以陽橋爲界編竹闌截不令通舟楫湖西莊者李春湖侍郎別墅也侍郎籍江右來爲寓公瀟灑好客春秋佳日輒櫂小舟來往湖上旣而倦遊歸以別墅屬其弟春垌春垌善泊圃竹木脩翳過於舊觀年七十餘屈腰提壺四時之花應手繁豔會余乞花竹湖西得識翁涉其園而埜趣生登其樓而俗

塵豁明漪當門但見斷筏余謂翁應置船湖中
以踵前遊於是購船身郭外十餘夫舁以入加
修整窗櫺多明篙槳畢具客之登舟者日凡數
輩翁樂之乞余題額曰烟波畫船蓋山色湖光
得之而生動也昔山谷南遷維舟榕溪劉後村
詩云兩榕猶及見涪翁得非其地與

半畝園題辭爲麟見亭河帥

黃河福主芑在東南綠野播秀大雲包含慈闈

回首本是瞿曇

雲蔭堂

瑤琴在牀綠酒在壺清才奇才小雅大雅夕月

晨花中心藏寫

留客處

妝光曉啟緒雨春紅染脂畫靚燒燭詞工踏枝

鳥語人隔簾櫳

海棠吟社

鴉叉乍展曉日瞳矐金池霜散玉軸烟空丹青

照眼光怪何窮

曝畫廊

雲活欲飛月碎皆漏寒綠藻橫碧嵐苔皺八窗

洞開水明石秀

玲瓏池館

么鳳欲下翠尾條條簾波漾碧秋陰未高美人

何處月明清簫

蕭湘小影

悠悠閒雲冒茲晴竹坐久忘言衣襟澣綠鶴夢

半巢松濤茶熟

小憩亭

貌癯而古屹立崢嶸蕉天手補雨逗秋驚公餘

袍笏誰丈誰兒

拜石軒

中國何有有堂有皇頭角一品黼黻千章平泉

秋勝畫錦春長

程秀山房

皴石如雲郭熙畫法奇峯插天夏雲出峽雲耶

石耶亦融亦洽

雲容石態

嘯鳥一聲東風何許睡起獨來牡丹正午十花

五花今雨舊雨

賞春亭

得未曾見福地藏書雲排籤譚仙走蟬魚讀破

萬卷河渠緒餘

嫵媚妙境

短籬三尺鹿眼疏疏黃花霜晚青蔓風初尋詩

客至隔竹相呼

東籬

平橋疊石望之如城鴈齒層凸虹腰半橫莎隄
過雨杖藜獨行石城橋

狹僅三弓寬惟十笏雖小亦安義皇歲月問何
能爾心不牽物容膝居

圓開半壁娟娟影娥湘簾乍下蕩漾金波秋風
桂子涼思如何偃月門

層陰蔽天蒼龍墮影雲光曉飛石氣夜冷孰共
歲寒延茲邃景古柏洞

蠻觸何爭吾廬吾愛花片紅滋蘚紋碧碎高寄

悠然一窠塵外

桐廬

齊天樂

中丞餉新摘櫻桃一盒今年以風雨吹落者多尤可貴也

幾回細寫愁無限年年翠簾庭樹乍長春條還
藏暗葉不奈連番風雨明珠愛汝悵滴向空階
夜鐙情緒賸有勻圓數枝紅綻尙如許 醪醑
誰與小飲趁花飛謝豹來訂香譜宛轉盤中逡
巡舌上分得金莖餘露閒吟忘凡苦笑鳳食徒
充鳥衛何補漫憶鶯歌口脂添媚嫵

張詩船方伯以甲辰夏移節來桂林政通人和
提倡風雅甫一歲奉太夫人諱去方其去
也蕭蕭然無以異於來之日也而詩囊則滿矣
方伯攬桂之勝不能忘情於桂而桂人之不
能忘方伯者尤不能不重桂勝之詩夫詩者
宜幽達滯鬱然詠歌之所由作也彼刻劃李杜
傀儡高岑者豈復有詩哉方伯感物興來觸緒
情往凡登覽贈答靡不直據胸臆雲湧泉流吾
不知於古人何似更不知於古人何讓也吾粵

自唐宋以來如柳柳州李玉溪黃涪翁秦少游
諸人時有詠歌然欲摘其在粵之作殊難考訂
卽范石湖著驂鸞錄而粵中倡和登臨之作亦
無專帙是桂勝一集壯山川之景色記風俗之
淳漓所以補志乘所不及者又不僅筆歌墨舞
與古人爭雄也若夫讀書巖以五詠傳水月洞
以記銘傳疊綵山之傳則以元常侍之遊訾家
洲之傳則以裴柳之讌從來地以人傳復以文
重集中搜其所遺補其所略方幸方伯之足以

張吾桂林也雖然今所讀特桂勝集耳僅青澣之一勺方伯功業在生民車轍半天下詩且一官一集則序方伯之全集者固有當代之名公鉅卿在道光乙巳秋七月部民陳鏐謹跋

外孫耿道冲重校